

# Puesia

A l'orizzonti infiarati  
Da l'accèndita crudelli  
Lagni brioni è scumpienti  
Tòmbani tanti fratelli.

Sighjuzeghjani i populi  
Nant'a tarra sanguinosa  
Piègnani qualchi suredda  
Un figliolu, una sposa.

Puesia rinfresca l'aria  
Di issi lochi ghjastimati.

Rimori di i stacchetti  
Chi ven'à pistà u chjassu  
Ind'un passu militarù  
Fàcini tantu fracassu.

S'avicina a scarpata  
Sò centu sò deci milla  
Spavintèghjani issi lochi  
Ghjugni a guardia civila.

Puesia rinfresca l'aria  
Di issi lochi ghjastimati.

È tremani di paura  
Ind'i carciari aguastati  
I ziteddi miseriosi  
Ind'i so panni stracciati.

Casticati di natura,  
Eterni persecutati,  
A so unica scelta :  
Sottumissi o ammazzatti.

Puesia rinfresca l'aria

Di issi lochi ghjastimati.

Puesia.